

مجموعه ابو الضحی

ما سوا شایسته شدن دل قطره به چالش
بر تو حکمت و عرفان ایله تنویر آتش

هر ماه عربی ابتدا سیله اون بشده نشر اولنور فنون مجموعه سیدر

جزء ۴۱ [فی غرة ربيع الاول سنة ۱۳۰۲] نسخه سی ۳ فروش

اویونلری بر قاج عصر لردنبری ملکمزده موجود ایکن تیاتروی مختراعات
جدیده دن عد ایدیشمز اورتہ اویوننک بو شرطہ مغایرتی جہتیلہ تیاترو نوعہ
داخل اولہ مدیغندندر . [مابعدی کلام جک جزؤده]

کمال بک جودت پاشا حضرتلرینه بر مکتوبی

تاریخ حکمت بیان آصفانہ لرندن بر خطاب تلطفی حاوی اولہرق
احسان بیوریلا ن ایکی جلدی واصل دست تعظیم اولدی . واجب اولان
شکرانی اداده شمدی به قدر ظهور ایدن قصورم بر طرفدن انحراف مزاج
و بر طرفدن، تاریخک موضوع اصلبسی حکمنده بولنان، یونان فتنہ سی
سرپندیلرندن بردغدغه ایله اوغرا شفق مانع اولدیغنه نظراً عفو عالی رحیمانہ .
لرینه مظهر اولق مأمولندہیم . « العذر عند کرام الناس مقبول »

کونشده شامات آزار کبی اثر بدیع حکمت پروریلرنده نقایص تحری
ایتدم . بر نقصان بولہ بلدم . اوده وقیلہ انجمن دانشک و یردیکی بررای اوزرینه
بو تالیف بدیعہ بیک ایکی یوز قرق بر وقایعندہ ختام ویرلسیدر . حال بوک
اصحاب مطالعہ یہ کورہ ہیچ اولزسه مصر وقایعنک ختامنه قدر تدقیقات عارفانہ
و ملاحظات حکیمانہ دولترلرندن استفادہ یہ شدت احتیاج درکار ایدی .
عنایات معارف پرورانہ آصفیلرندن ینہ قطع امید ایتیمز . برده یوز اوتوز
ایکنجی صحیفہ ده کی « دولت آدم لرینک فضاثلندن ایسه فواضلندن بحث ایتک
اولادر » عبارہ سی حقیقتہ و سیاق کلامہ کورہ « دولت آدم لرینک فواضلندن
ایسه فضاثلندن بحث اولنق اولادر . » طرزندہ اولہ حق کبی کورینور .
بو ترتیب ایسه بیانی تشویش افکار ایدیور . باقی ینہ ہر حالده امر و فرمان
حضرت ولی الامکدر .

فی ۲۲ صفر سنہ ۱۳۰۲ فی ۲۹ تشرین ثانی سنہ ۱۳۰۰

نامق کمال